

沿革志

唐虞有后夔官名耳周有夔子國封楚同姓後併入楚秦漢以來沿革不一我

朝初定版圖夔府領一州十二縣後裁爲領縣六因時損益抑有由也作沿革志

夔州府

禹貢荆梁二州之域周爲夔子國僖公三十六年秋楚人滅夔地併於楚爲楚九縣之一戰國時楚置扞關於赤甲城張儀說秦王曰巴蜀治船浮江而下不十日而

夔州府志

卷一

沿革

一

拒扞關惠王從之使司馬錯伐蜀有其地秦分天下爲郡縣分川東爲巴郡治江州魚復隸焉西漢置江關都尉以魚復設尉治仍屬巴郡王莽沒公孫述據其地名白帝城東漢置永寧郡建安初改巴東郡蜀漢改置固陵郡尋改巴東南郡治永安即魚復晉仍曰巴東郡劉宋置三巴校尉南齊置巴州梁置信州宇文周置總管府皆治瀼西即永安周總管王述移治白帝城瞿唐關隋因之大業初改州爲巴東郡唐武德二年改爲夔州始稱夔州

仍治瞿唐關地連白帝城七年增置都督府督黔巫一十九

郡開元中領七州天寶中改州爲雲安郡至德二年改領峽中五郡乾元初復爲夔州置防禦使屬江陵五代梁置鎮江軍乾化四年改置夔州後唐陞爲寧江軍節度使孟之祥據蜀仍爲夔州宋置都督府駐瞿唐關復置夔州路治瀼西元亦爲路置總管府隸四川治瀼西明洪武四年改爲夔州府治瀼西另設瞿唐衛駐下關城九年改州隸重慶府十四年復陞夔州府隸川東道領十一縣曰奉節曰雲陽曰萬曰開曰梁山曰新寧曰建始曰巫山曰大昌曰大寧曰達成化間拆達增東鄉

夔州府志

卷一

沿革

二

正德九年改達縣爲州又拆東鄉一里半爲太平縣共領一州十二縣及石碛土司

皇清因之康熙六年裁大寧歸併奉節新寧歸併梁山

康熙九年裁大昌歸併巫山雍正六年陞達州爲直隸州分東鄉太平屬達州雍正七年復設大寧縣雍正十二年分梁山屬直隸忠州新寧屬直隸達州建始歸湖北施南府乾隆二十七年改石碛宣慰司爲直隸廳

一分去一廳
一州六縣夔州府今領縣六

附四川通志說

禹貢荆梁二州之域春秋時為庸國地後屬巴國戰國

屬楚秦屬巴郡漢因之後漢初平元年劉璋分置固陵

郡酈道元水經注作故陵建安六年改為巴東郡仍屬益州華志陽

郡獻帝初平元年征東中郎將安漢趙穎建議分上巴為二

郡江至南魚復為固陵郡建安漢六年江州復蹇允白璋爭巴

是乃三改永安按晉書地理志初平元年劉璋為巴西太守

永安郡建安六年改永安郡立固陵郡章武元年又改巴西郡

為巴西郡南郡巴西郡為巴郡與華陽國志不同今從華

三國漢因之晉泰始三年分屬梁州大安二年仍屬益

夔州府志

卷一

沿革

三

州永和初改屬荊州劉宋泰始五年置三巴校尉樂史

未廢宋蕭齊建元二年置巴州永明元年省蕭梁普通四

年改置信州見梁書武帝紀寰宇宇文周置總管府寰

州後魏廢帝三年移巴東郡於陽口縣周明帝二年於

管府置總隋開皇初郡廢大業元年府廢三年復改州為

巴東郡周書蠻傳信州舊治白帝天和元年陸騰更置

州刺史宣政元年復還白帝城仍置總管府唐劉禹錫夔

述登隋白帝曰素以奇勢可領總管又張大之唐興武德二

年詔為夔其州唐武德元年復曰信州二年改曰夔州端馬

臨文獻通考唐避外祖獨
孤信諱改信州為夔州
仍置總管府管夔峽等貞觀

十四年改都督府督歸夔忠萬後罷州天寶元年改雲

安郡乾元元年復曰夔州二年復升都督府尋罷隸江

陵天祐三年升鎮軍節度使唐書方鎮表至德元載置

節度使乾元元年廢廣德二年置夔忠涪五代屬蜀後

唐天成二年改曰寧江軍尋復入蜀宋仍曰夔州雲安

郡寧江軍節度為都督府開寶六年分置峽西路咸平

四年改夔州路元至元十五年立夔州路總管府屬四

川行省明洪武四年改夔州府九年降為夔州隸重慶

夔州府志

卷一

沿革

四

府十三年復升為府屬四川布政使司

皇朝因之屬四川省領縣六奉節巫山雲陽萬開大寧

奉節縣附郭

周庸國之魚邑春秋為夔子國屬楚秦為魚復縣屬巴

郡漢為魚復治設都尉漢末公孫述設白帝城建安中

劉璋分墊江以上為巴西郡治安漢江州至臨江為巴

郡治江州胸臆至魚復為巴東郡治魚復是為三巴蜀

漢改永安縣晉仍為魚復縣劉宋置三巴校尉南齊置

巴州梁置信州皆治永安梁總管王述移治於白帝城

西魏改曰人復又改曰陽口縣爲巴東郡治在江隋仍南岸爲巴東郡治瞿唐關唐貞觀中改爲夔州奉節縣治瞿唐關宋置都督府駐瞿唐關置夔州路治瀼西奉節屬焉元屬夔州路明洪武四年改路爲府夔州府治奉節縣另置瞿唐右所駐下關城九年改夔州府爲州隸重慶府十四年復升爲夔州府奉節縣屬焉

國朝康熙六年裁大寧縣歸併奉節雍正七年復設大寧縣奉節仍舊歷代建治處凡五曰奉節今治曰魚復曰白帝城曰陽日曰瞿唐關

夔州府志

卷一

沿革

五

魚復故城在縣東北

舊志鯉魚至此而復洞庭故名

〔一統志春秋時庸國魚邑漢置縣其後移治白帝城而此城廢〔左傳文公十六年庸人帥羣蠻叛楚楚人伐庸七遇皆北惟裨儵魚人實逐之〔杜注魚庸邑即魚復〔華陽國志武王克殷以其宗姬於巴爵之以子古者遠國雖大爵不過子故吳楚及巴皆曰子其地東至魚復西至夔道北接漢中南及黔涪〔水經注赤岬城公孫述所造因山據勢周廻七里一百四十步東南二百丈西北高千丈南基連白帝山〔舊唐志漢魚復縣今奉節縣北

三里赤岬城是也輿地廣記魚復縣故城在奉節縣北今名赤甲城寰宇記古魚復縣在縣西十五里蜀先主改爲永安縣今無城壁按以上諸說似以白帝城爲魚復縣而所言方向與道里又大相懸殊蓋傳聞之異茲以劉先主永安城稽之知其爲今治也

永安宮城在今縣治

蜀志章武二年改魚復縣曰永安三年先主殂於永安宮水經注江水經永安宮南諸葛亮受遺詔處也其間平地可二十里許江山迥濶入峽所無城周十餘里背

夔州府志

卷一

沿革

六

山而江積壟四毀荆棘成林左右居民多墾其中入蜀記夔在山麓沙上所謂魚復永安宮也宮今爲州倉在宮西北景德中轉運使丁謂薛顏所徙比白帝頗平曠然失險無復形勝矣舊志永安宮今爲府儒學基
白帝故城在縣東

一統志城公孫述所築歷代皆爲州郡治宋始移治瀼西置關於此後漢志巫縣西有白帝城蜀志建安十八年諸葛亮等將兵泝流定白帝江州章武二年孫權聞先主住白帝城甚懼遣使請和水經注巴東郡治白帝

山城周迴二百八十步北緣馬嶺接赤甲山其間平處
南北相去八十五丈東西七十丈又東傍東瀼溪即以
爲隍西南臨大江窺之眩目惟馬嶺小道逶迤猶斬山
爲路羊腸數四然後得上

陽口故城在江南岸

寰宇記後魏廢帝三年移巴東郡於陽口縣其地無考
按舊志後周天和元年信州蠻再令賢等據巴峽攻白
帝於江南險要之地立十城自率精銳守江北水邏城
周將陸騰討之兵至陽口先拔其江南八城因數道入

夔州府志

卷一

沿革

七

攻水邏城遂克之陽口殆即楊口歟

瞿唐關在白帝城下

唐故夔州城也唐李貽孫夔州都督府記峽中之郡夔
爲大梁爲信州今稱夔州初在瀼西之坪上王述徙白
帝城今衙是也東南斗上二百七十步得白帝廟直南
城一里得巨石爲灩澦城之左五里得鹽泉十四又西
而稍南三四里得八陣圖在沙州之壩瞿唐驛西有蜀
先主宮瀼西有諸葛武侯廟城東北約二百步有孔子
廟在赤甲山之下陸游入蜀紀畧瞿唐關唐故夔州也

與白帝城相連杜詩云白帝夔州各異城蓋言難辨也
關西門正對灩澦朱子名臣言行錄高宗時夔路廉訪
使曹東請築瞿唐關於唐夔州故基置兵屯守宋韓宣
瞿唐城記夔州城在灩西關城在灩東方輿勝覽州城
以宋景德二年移治灩西元一統志宋淳祐二年以兵
火仍移州治白帝四年余玠命韓宣城瞿唐至元二十
二年仍還灩西舊治府志下關城在奉節縣東十里即
白帝城也明初割瞿唐衛右所置周迴數里東南通赤
岷西北抵瞿唐灩澦按以上所稱灩西皆今治也杜工

夔州府志

卷一

沿革

八

部之灩西草堂亦在今治緣唐時夔州府治在瞿唐則
灩西乃民地故工部遷居以耕種自給杜詩歷歷可証
也至今灩東之杜公祠本爲少陵書院後改爲灩西草
堂存古名耳非以灩東爲灩西也舊志誤

巫山縣

戰國楚巫郡秦改爲巫縣漢屬南郡後漢建安中先主
改屬宜都郡二十四年孫權分置固陵郡吳孫休又分
置建平郡巫縣爲吳蜀之界晉初置建平都尉治又置
北井縣咸平四年改都尉爲建平郡又置南陵縣宋齊

因之後周天和初年置江陰縣隋開皇初廢郡改縣曰
巫山屬巴東郡唐屬夔州宋元屬夔州路明屬夔州府
皇清因之康熙九年裁去大昌縣併入巫山縣歷代建治處
凡六一曰巫山今治一曰巫縣一曰大昌一曰北井一
曰南陵一曰江陰
巫縣故城在縣東名勝記治南有山如巫字故名
〔戰國策〕蘇秦說楚威王曰南有巫郡〔史記秦本紀〕昭襄
王三十年取楚巫郡〔水經注〕巫縣故城楚之巫郡秦省
郡立縣以隸南郡吳孫休分爲建平郡治巫城城緣山

夔州府志

卷一

沿革

九

爲塘周十二里一百十步東西北三面皆帶傍深谷南
臨大江故夔國也〔唐志〕巫縣舊治巫子城〔寰宇記〕故城
在今縣北晉移於此縣本夔子熊勢所治今多姓熊者
大昌故城在縣北

〔一〕統志本巫縣地晉初分置泰昌縣屬建平郡宋齊梁
因之後周避諱改曰大昌置永昌郡郡尋廢隋屬巴東
郡唐屬夔州宋端拱元年改屬大寧監元至元二十年
併入大寧州明洪武四年復置後因民少併入大寧永
樂初復置改屬夔州府

國朝康熙九年省入巫山縣寰宇記縣在夔州東北六十四里宋志舊在監南六十里嘉定八年徙至水口監舊志故城周一里有竒明成化七年土築在縣北一百二十里

北井廢縣在縣北

〔一〕統志晉初置屬巴東郡泰始五年改屬建平郡宋齊因之後周天和中省入大昌水經注縣北有鹽井故名北井舊志在廢大昌縣東南二十五里南陵廢縣在縣南大江南岸

夔州府志

卷一

沿革

十

東晉時置縣屬建平郡劉宋元嘉中廢元統志在縣南二百步與陽臺山相對

江陰城在縣西六十里

〔元統志〕後周天和初置縣建德中廢

雲陽縣

漢置朐忍縣屬巴郡後漢因之晉曰朐忍屬巴東郡後周武帝改曰雲安縣隋仍屬巴東郡唐屬夔州宋開寶六年置雲安軍屬夔州路宋末軍廢元至元十五年復置軍二十年升爲雲陽州明洪武六年改州爲縣屬夔

州府

皇清因之歷代建治處凡三一曰雲陽今治一曰胸認一曰雲安監

胸認故城在縣西

漢置胸認縣永經注常璩曰縣在巴東郡西二百九十里縣治故城跨山坡南臨大江後漢書注胸認故城今雲安縣西萬戶故城是也舊唐志萬戶城在雲安縣西三十里宋李燾記漢志巴郡有胸認縣顏師古注胸認劬通典作胸認胸音蠢認如尹切與師古異說文胸認

夔州府志

卷一

沿革

十一

蟲名地多此蟲因以爲名胸如順切認大尹切讀如閏蠢胸當作胸從旬不當作胸從句閏月一日泊舟雲安萬戶驛土人云驛之左右胸認故地也乾道九年記雲安監城在縣東北

〔一〕統志漢置鹽官唐末置雲安監宋屬雲安軍熙寧四年嘗析置安義縣八年以戶口還隸雲安縣復爲監元併入雲陽州明置雲安鹽課司於此〔九〕域志監在雲安軍東北三十里

萬縣

漢胸忍縣地後漢置羊渠縣蜀漢建興八年改羊渠爲南浦縣屬巴東南郡晉及宋齊因之後魏改曰魚泉縣置安鄉郡後周改郡曰萬川郡改縣曰萬川縣隋開皇初郡廢十八年改縣曰南浦縣屬巴東郡唐武德初屬信州二年析信州於縣置南浦州八年州廢縣屬夔州九年復置浦州貞觀八年改曰萬州天寶初改曰南浦郡乾元初復爲萬州屬山南東道宋仍曰萬州南浦郡屬夔州路元至元二十年省南浦縣入萬州明洪武六年改州爲縣屬夔州府

夔州府志

卷一

沿革

十二

皇清因之歷代建治處凡三一曰萬縣今治一曰南浦一曰

武寧

南浦故城今縣治

〔宋書州郡志〕南浦縣蜀建興八年益州牧嚴宇表改羊渠立羊渠不詳何年立〔寰宇記〕後魏廢帝元年分胸忍縣地置安鄉郡及魚泉縣以地土多泉民賴魚罟爲名後周改安鄉郡爲萬川郡魚泉縣爲萬川縣兼立南州隋開皇初郡廢十八年改萬川縣爲南浦縣以浦爲名華陽國志固陵郡初領羊渠縣後改羊渠爲南浦縣改

固陵爲巴東南郡南浦屬焉通志按水經注南集渠自涪陵北經南浦僑縣西又北注江參考諸書疑南浦本在江北晉改置於江南故曰僑縣後魏於江北置今縣隋始復故名爲南浦

武寧廢縣在縣西

〔一〕統志漢臨江縣地後周武帝析置源陽縣及南都郡建德四年改懷德郡武寧縣隋州郡並廢以縣屬巴東郡唐宋元俱屬萬州明初省入萬縣舊唐志縣治巴子故城寰宇記在萬州西南一百三十里

夔州府志

卷一

沿革

十三

開縣

秦胸臆縣屬巴郡漢分屬永陵郡後漢建安二十一年析置漢豐縣屬巴東郡晉廢後復置仍屬巴東郡宋齊因之西魏改曰永寧縣隋開皇末改曰盛山縣屬巴東郡義寧二年於縣置萬州唐武德初改曰開州天寶元年改曰盛山郡乾元初復曰開州廣德元年改縣曰開江宋仍曰開州盛山郡屬夔州路元省縣入州明洪武六年改州爲縣屬夔州府

皇清因之歷代建治處凡五曰開縣今治白開江曰清水曰

新浦曰西流

開江故城在縣東一里

華陽國志巴東漢豐縣建安二十一年置在郡西北彭溪源寰宇記本漢胸臆縣蜀先主於今縣南二里置漢豐縣以漢土豐盛爲名後周武帝改漢豐爲永寧隋開皇十八年改爲盛山唐武德元年移於今理廣德元年改爲開江

清水廢縣在縣東北六十里

〔二統志本唐時萬歲縣宋改曰清水元省隋志通川郡

夔州府志

卷一

沿革

十四

萬世縣後周置又置萬世郡開皇初郡廢舊唐志萬歲後周之萬縣隋加世字貞觀二十三年改爲萬歲縣寰宇記萬歲縣在開州東北四十里漢胸臆縣地蜀爲漢豐縣地宋武帝於此分置巴渠縣屬巴東郡後周天和元年分巴東置萬安郡改巴渠爲萬歲縣取縣北有萬歲谷爲名隋開皇三年罷郡以縣屬開州大業二年廢州以縣屬萬安郡唐武德元年郡廢以縣屬開州二年自今縣北三十里將故城移於今所寶歷中節度使裴度奏廢之以其地併入開江尋又置九域志在州東北

六十五里按寰宇記謂後周改名萬歲與隋唐志皆不合誤

新浦廢縣在縣西南九十里

宋書州郡志巴東郡領新浦縣何志新立寰宇記縣在開州西南九十里亦胸臆之地蜀爲漢豐縣地宋武帝永初中分漢豐縣於今縣西北七里置新浦縣屬巴東郡後魏恭帝三年於縣置開江郡周安郡隋開皇三年罷郡廢縣屬開州大業二年廢開州改屬信州七年自縣西北故城移於今理宋志慶歷四年廢新浦縣入開

夔州府志

卷一

沿革

十五

江

西流廢縣在縣西北一百五十里

隋志通川郡西流縣後魏置漢興西魏改焉又置開州及周安萬安江會三郡後周省江會入周安開皇初郡竝廢大業初州廢寰宇記後周天和元年于漢豐縣理置周安郡四年自東關郡城移開州于今州西九十里濁水北故州城領周安東關三岡開江四郡其周安郡領西流一縣其年以東關三岡二郡屬通州五年改開江郡爲江會郡建德五年省江會郡入周安郡隋開皇

三年又罷周安萬安二郡以縣屬開州大業二年廢開州義寧二年於盛山縣置萬州割巴東郡之新浦通川郡之萬世西流來屬焉唐貞觀初省西流入盛山

大寧縣

漢魚復縣地晉爲建平郡泰昌縣地後周以後爲大昌縣地宋開寶六年始以大昌縣鹽泉所置大寧監領大昌縣屬夔州路元至元二十年陞爲大寧州隸夔州路總管府明洪武九年改州爲大寧縣屬夔州府

皇清因之康熙六年歸併奉節縣雍正七年復設歷代建治

夔州府志

卷一

沿革

十六

處凡二曰大寧今治曰大寧監

大寧監城在縣北八里

寰宇記大寧監本夔州大昌縣前鎮煎鹽之所在縣西六十九溪南山嶺峭壁之中有鹽井湧出土人以竹引泉置鑊煮鹽開寶六年置監以收課利方輿勝覽大寧監禹貢荊州之域占翼軫之分野在峽之北於夔爲近春秋時夔并於楚秦以爲巫縣漢屬南郡三國迭有其地蜀分南郡立宜都郡吳孫休分宜都立建平郡晉置建昌縣又改泰昌屬建平郡後周又改曰建昌縣又改

曰大昌郡隋屬巴東郡唐屬夔州縣有鹽井其後劉晏
爲鹽鐵使以嘉興及大昌等爲十監五代屬夔州開寶
六年於鹽井十七里置大寧監端拱間以大昌縣來屬
今領縣一與監治自爲兩處九域志監東南至夔州府
一百十里舊志在縣北八里

夔州府志

卷二

沿革

十七

夔州府沿革表

兩漢	漢巴郡地 後漢初平	初劉璋分 置固陵郡	建安中更 名巴東郡	夔州府	
三國漢	巴東郡	屬蜀漢		夔州雲安	
晉	巴東郡	永和初改 屬荊州		夔州路	
宋齊	巴東郡	宋泰始中 置三巴校	尉後罷齊 建元初兼 置巴州永 明初省	夔州路	
梁	信州巴東	郡	置州	夔州路	
魏周	信州巴東	郡		夔州路	
隋	巴東郡	開皇初廢 郡大業初	又改州為 郡	夔州路	
唐五代	夔州雲安	郡	武德初復 置信州二	夔州路	
宋	夔州路	初曰夔州 雲安郡寧	江軍節度 開寶初置	夔州路	
元	夔州路	元至元中 置總管府	屬四川等 處行中書	夔州路	
明	夔州府	洪武四年 改府九年	隆州屬重 慶府十三	夔州府	

夔州府志

卷二

沿革表

十八

奉節縣	屬巴郡江 關都尉治	後漢末徙 治白帝為	巴東郡治	奉節縣	
永安縣	郡治章武 初更名			奉節縣	
魚復縣	郡治大康 初復名			奉節縣	
魚復縣	郡治			奉節縣	
魚復縣	州郡治			奉節縣	
人復縣	西魏改名	陽口縣 魏置尋廢		奉節縣	
人復縣	郡治			奉節縣	
奉節縣	州治貞觀 中更名			奉節縣	入蜀
奉節縣	州路治景 德初徙淳	祐初又移 白帝		奉節縣	
奉節縣	復舊治			奉節縣	
奉節縣	洪武中省 入州後復	府治		奉節縣	

巫山縣

建平郡

建平郡

建平郡

建平郡

建平郡

廢

具置後徙

初置建平
都尉咸寧

初改郡

